

Uunga siunnersuut:

Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat
(Inuusuttunut 18-iliineqanngitsunut ilitersuinissamik akisussaaneq piginnaatitaanerlu)

§ 1

Kalaallit Nunaanni ilinniartitaanermut inuussutissarsiutinillu siunnersuisarneq pillugu Inatsisartut inatsisaanni, Namminersorlutik Oqartussat nalunaarutaat nr. 38 3. maj 2025-meersoq naapertorlugu, imatut allannguisoqarpoq:

1. § 1, imm. 2, imatut oqaasertalerneqassaaq:

” *Imm. 2.* Siunnersuinermi pingaartumik inuusuttut sullinniarneqassapput, pingaartumik inuusuttut 18-it inorlugit ukiullit, tak. §§-it 19-23”.

2. § 3, nr. 6, imatut oqaasertaqassaaq:

”6) Sumiiffinni siunnersuisarfinnut meeqqallu atuarfiinut tunngatillugu ilitersuisarneq,”

3. § 19 imatut oqaasertalerneqassaaq:

” **§ 19.** Inuusuttunut 18-it inorlugit ukiulinnut siunnersuisarneq meeqqat atuarfiisa suliarissallugu akisussaaffigaat.

Imm. 2. Ilinniarnertuunngorniarniit, inuussutissarsiutigalugu ilinniarniit qitiusumillu ilinniarniit meeqqat atuarfiit, tunngaviusumik atuarfiit namminersortitat, efterskolit folkehøjskolillu ikaarsaariarnermi siunnersuinermik piareersaanerannut suliaqarnerannullu ikiuutissapput.

Imm. 3. Siunnersorneqartumut iliuusissatut pilersaarutip assilinerata siunnersorneqartup ilinniarnertuunngorniarniata, inuussutissarsiutinut ilinniarniata imaluunniit qitiusumik ilinniarniata tigusaqarnissaat kommunalbestyrelsit qulakkiissavaat, tak. Meeqqat atuarfiat pillugu Inatsisartut inatsisaanni § 19.

Imm. 4. Meeqqat atuarfiisa ilinniarniit sulleqatigiinnerat, tassunga ilanngullugu ikaarsaariarnermi siunnersuinissaq pillugu piareersaanermik suliaqarnermillu sulleqatigiinnerat pillugit Naalakkersuisut erseqqinnerusumik malittarisassiorsinnaapput.”

4. § 20, imm. 2, imatut oqaasertalerneqassaaq:

” *Imm. 2.* Inuusuttunut 18-it inorlugit ukiulinnut meeqqat atuarfiannit assigisaanniilluunniit atuartaasitaanermik naammassinnigatik atuarunnaarsimasunut, ilinniarnermik inuussutissarsiummilluunniit aallartitsisimanngitsunut meeqqat atuarfiannit ujartuilluni siunnersuisoqartassaaq.”

5. § 20 imm. 2-p kingorna immikkoortut nutaatut ilanngunneqassaaq:

” *Imm. 3.* Inuusuttunut 18-ileereersimasunut meeqqat atuarfiannit assigisaanniilluunniit

atuartussaaitaanermik naammassinnigatik atuarunnaarsimasunut, ilinniarnermik inuussutissarsiummilluunnit aallartitsimanngitsunut kommunimi siunnersuisarfimmit ujartuilluni siunnersuisoqartassaaq.”.

Imm. 3-5 taamaalillutik imm. 4-6-inngussapput.

6. § 21 imatut oqaasertalerneqarpoq:

” **§ 21.** Meeqqat atuarfiat siunnersuinnermut atatillugu inuusuttoq tassungalu angajoqqaatut oqartussaasut suleqatigalugit ilinniagaqarnissamut iliuusissatut pilersaarusiussaaq, tassa inuusuttoq 18-it inorlugit ukioqarpat aamma meeqqat atuarfiannit assigisaanniilluunniit atuartussaaitaanermik naammassinnigani atuarunnaarsimappat imaluunniit ilinniagaqanngippat suliffeqanngippalluunniit.

Imm. 2. Ilinnialernissamut iliuusissatut pilersaarut meeqqat atuarfiat pillugu Inatsisartut inatsisaat naapertorlugu meeqqat atuarfiini atuartut ilinniartitsisortik isumasioqatigalugu iliuusissatut pilersaarusiortarnerannit aallaaveqartinneqassaaq, tak. Meeqqat atuarfiat pillugu Inatsisartut inatsisaat. Inuusuttunut meeqqat atuarfiannit iliuusissatut pilersaarusiortifigineqarsimanngitsunut ilinniarnissamut pilersaarutip sapinngisamik inuusuttup taamanikkut atuarfigisimasaa peqataatillugu suliarineqarnissaa meeqqat atuarfianit qulakkeerneqassaaq.”

7. § 22, Imm. 2, imatut oqaasertalerneqarpoq:

Imm. 2. Ilinniagaqarnissamut iliuusissatut pilersaarutip piviusunngortinnissaa pillugu aamma anguniakkat nutaat nutartikkalluunniit aalajangersarnissaa pillugit inuusuttoq 18-it inorlugit ukiulik tassungalu angajoqqaatut oqartussaassuseqartut pisariaqartitsineq malillugu minnerpaamillu ukiumut ataasiarlutik oqaloqatiginissaa meeqqat atuarfianit qulakkeerneqassapput.”

8. § 23, imatut oqaasertalerneqarpoq:

” **§ 23.** Kommunimi innuttaasut, inuusuttunut 18-it inorlugit ukiulinnut, meeqqat atuarfiannit atuarunnaarsimasunut, sulilu ilinnialersimanngitsunut suliffeqalersimanngitsunulluunniit, imaluunniit ilinniarnerminnik taamaatitsiinnarsimasunut ilinniagassamik inuussutissarsiorfissamillu toqqaanissamut inuusuttunut siunnersuinissamut neqerooruteqartarnek, tassunga ilanngullugu inuusuttut ilinniarfissatigut periarfissaa pillugit angajoqqaatut oqartussaasunut nalinginnaasumik ilisimatitsisarnissaaq meeqqat atuarfiata isumagisassaraa.”

§ 2

Inatsisartut inatsisaat ulloq 1. januar 2026 atuutilissaaq.

Kalaallit Nunaanni Namminersorlutik Oqartussat, ulloq xx. xxx 2025

Naalakkersuisut Siulittaasuat